

新訂
奇驗喉證明辨

上海文瑞樓印行



新訂奇驗喉證明辨卷三

閩中同安吳錫璜黼堂氏刪補

萬縣江楚堂鑒定
嚴江寄湘漁父蒐輯

證治類

證治總括

咽喉生於肺胃之上。咽居喉後。能嚥物。應乎地氣。主通利水穀。為胃之系。乃胃氣之通道也。長一尺六寸。重六兩。屬脾土。其變動為溼。溼則腫而脹。喉居咽前。中間空。應乎天氣。主氣息出入。為肺之系。乃肺氣之通道也。內九節。長一尺六寸。重十二兩。屬肺金。其變動為燥。燥則塞而閉。咽喉雖稱並行。其實異用也。人身惟此二關。最為緊要。氣之呼吸。食之升降。而人命之存亡。係焉。凡咽喉之病。挾熱者十之六七。挾寒者十之二三。而風寒包火者。則十之八九。古人開手一方。只用甘草桔梗。三因方加以荊芥。其他牛蒡子。薄荷。貝母。黃連之類。皆出後人增入。可見咽喉之病。不便輕用寒涼清降之劑。而專主開發升散者。所謂結者開之。火鬱發之是已。及其火

